

Arkiv: <arkivID><jplD> FA-X31, TI-&00
JournalpostID:
Sakshandsamar:
Dato: 15.04.2021

Saksframlegg

Saksnr.	Utval	Møtedato
046/21	Alver formannskap	22.04.2021
	Alver kommunestyre	

Forskrift for politivedtekter for Alver kommune

Rådmannen sitt framlegg til vedtak:

Formannskapet oversender framlegg til politivedtekter for godkjenning i kommunestyret, med følgende formulering knytt til tigging:

Alver formannskap 22.04.2021:

Handsaming:

Formulering i rådmannen sitt framlegg - innstilling frå formannskapet vert endra til kommunestyret.

Rådmannen sitt framlegg med endring vart samrøystes vedteke.

Tilleggsframlegg frå AP og KrF ved Ø.Oddekalv-AP:

Tigging utgår frå vedtektene. (§2-4 vert tatt vekk, og dei påfølgjande paragrafane blir oppdaterte med rett nummer)

Framlegget vart vedteke med 9 røyster (mot T.Larsen-H, N.Øvreås-FRP, I.Fjeldsbø-H og T.Sletten-Hansen-Uavh.)

Tilleggsframlegg frå T.Larsen-H:

§2-4. Tigging skal lyde:

Tigging på offentlig stad eller frå hus til hus, kan berre skje etter at det først er sendt melding til

politiet som kan setja vilkår om tid og stad for tigginga.

Framlegget fekk 4 røyster og fall (T.Larsen-H, N.Øvreås-FRP, I.Fjeldsbø-H og T.Sletten-Hansen-Uavh.)

FO- 046/21 Vedtak:

Kommunestyret oversender framlegg til politivedtekter for godkjenning i kommunestyret, med følgende formulering knytt til tigging:

Tigging utgår frå vedtektene. (§2-4 vert tatt vekk, og dei påfølgjande paragrafane blir oppdaterte med rett nummer)

Politisk handsaming

Saka skal til innstilling i formannskap

Saka skal avgjerast i kommunestyret

Bakgrunn

Heimel for kommunal politivedtekt følgjer av lov om politiet av 4. august 1995 nr. 53 § 14:

I vedtekter som fastsettes av kommunen og godkjennes av departementet eller den instans departementet fastsetter, kan det gis bestemmelser

1.om å opprettholde ro og orden, sikre ferdselen og for å hindre tilgrising, herunder klistring og maling på vegger, murer o l., på steder som er alminnelig beferdet eller bestemt for alminnelig ferdsel. Bestemmelser om

hunder og hundehold fastsettes etter hundeloven.

2. i samsvar med lokale sedvaner, om hus- eller grunneiers plikt til på de steder som er nevnt i nr. 1, å holde det rent og ryddig på fortau eller tilsvarende område i umiddelbar tilknytning til eiendommen, rydde for snø og strø når det er glatt

3. om meldeplikt for den som vil holde et arrangement som er allment tilgjengelig, selv om arrangementet ikke skjer på offentlig sted, når arrangementets art eller størrelse gjør det sannsynlig at politioppsyn blir nødvendig av hensyn til ro og orden eller avvikling av trafikken. Meldeplikten kan også omfatte sammenkomst med dans eller annen tilstelning av overveiende selskaperlig eller underholdende art for medlemmer av forening eller lignende sammenslutning

4. om at det for arrangement på offentlig sted som overveiende er av underholdningsmessig, kunstnerisk, selskaperlig eller kommersiell art, og som har et omfang som åpenbart vil medføre behov for betydelige ferdelsesreguleringer eller vakthold, må leveres inn søknad i stedet for melding etter § 11. Nærmere frist for innlevering av slik søknad kan fastsettes

5. om at barn under 15 år ikke har adgang til offentlig dans eller lignende allment tilgjengelig tilstelning uten i følge med foreldre eller andre foresatte

6. om regulering av ervervsvirksomhet på offentlig sted som ikke faller inn under regulering i andre lover

7. om politiets kontroll med pantelånvirksomhet.

8. om forbud mot eller nærmere vilkår for tigging på offentlig sted eller fra hus til hus.

Det kan fastsettes at den som vil tigge, må melde seg for politiet på forhånd. Kommunane Lindås, Meland og Radøy har hatt egne politivedtekter. Vedtektene er gjeldende ut 2020, jf. forskrift om samanslåing av Lindås kommune, Meland kommune og Radøy kommune. Til saman har forskriftene med andre ord hatt verknad som politivedtekter for Alver kommune, men avgrensa til ut 2020. Det er dermed trong for å vedtak politivedtekter som skal gjelde for Alver kommune fram i tid. Kommunen vil for ein tid vere utan politivedtekter, men Lensmannen i Nordhordland har i møte med kommunen bekrefta at dette ikkje vil ha stor betydning for politiets arbeid i perioden.

Politidirektoratet har gitt ut rundskriv om normalpolitivedtekter med merknader. Rundskrivet har verknad som eit utgangspunkt for utforming av politivedtekter i kommunane, både i form og innhald. Politivedtektene i dei tidlegare kommunane er med svært få unntak likt utforma og dei byggjer på normalpolitivedtekta som var gjeldende på vedtakstidspunktet. Politivedtektene er noko justert sidan den gong. Framlegget til politivedtekter for Alver kommune er lagt opp etter siste oppdaterte normalpolitivedtekter gjeven ved rundskriv 02/2018 frå politidirektoratet, datert 13.02.2018. Rundskrivet beskriv også sakshandsamingsreglar i tillegg til form og innhald i av ein politivedtekt.

Normalpolitivedtekter med kommentarar er vedlagt saka.

Sakshandsaming:

Ein politivedtekt er formelt sett ein lokal forskrift og sakshandsamingsreglane i forvaltningslova § 37 skal følgjast ved tilblivinga.

Utarbeiding av forslag til vedtekt skal skje i samarbeid med politiet og forslaget skal handsamast av kommunestyret.

Politivedtekta skal sendast til Politidirektoratet for legalitetskontroll, stadfesting og kunngjering.

Saksopplysningar:

Utkast til forskrift ble utarbeida i samarbeid med Lensmannen i Nordhordland. Lensmann Idar Vangberg har i eige møte med administrasjonen gått gjennom dei tidlegare forskriftene og normal politivedtekta og forslaget som ligg føre er utarbeidd i fellesskap. Frå Alver kommune deltok Martin Kulild og Jarle Landås. Vangberg deltok også i møte med formannskapet, under handsaming av sak 005/21. Normalpolitivedtekta er i hovudsak lagt til grunn, med nokon få lokale tilpassingar.

Lensmannen var klar på at han etter eit politifagleg standpunkt ønskjer eit forbod mot tigging, altså at alternativ ein i utkastet skal vere gjeldende for Alver kommune. Bakgrunnen for dette er opplevd utfordringar

med tigginga i Knarvik. Det er bakmenn som ofte styrar tigginga og det er erfart at det også fører med seg tilleggsutfordringar som prostitusjon og anna kriminell åtferd.

Framlegg til politivedtekt har etter handsaming i formannskapet, sak 005/21, vore ute på høyring. Det er ikkje kome inn framlegg til endringar.

Før oversending til kommunestyret, bør formannskapet ta stilling til kva formulering som skal gjelder knytt til § 2-4. Kommunestyret må, før endeleg vedtak gjerast velje formulering knytt til alternativane (oppdatert etter handsaming i formannskapet, 4.2.21):

§ 2-4. Tigging

Tigging på offentlig stad eller frå hus til hus er forbode.

Eller

tigging på offentlig stad eller frå hus til hus, kan berre skje etter at det først er sendt melding til politiet som kan setja vilkår om tid og stad for tigginga.

Eller

tigging på offentlig stad eller frå hus til hus, kan berre skje etter at det først er sendt melding til politiet.

Eller

tigging utgår frå vedtektene. (§2-4 vert tatt bort, og dei påfølgjande paragrafane oppdaterast med rett §)

FO- 005/21 vedtak:

Utkast til forskrift politivedtekt for Alver kommune vert lagt ut på høyring med følgjande endring:

Formannskapet meiner det må komme tydeleg fram i høyringa at det er eit alternativ å ikkje regulere tigging i politivedtektene. Derfor må ein inkludere følgjande i vedtektsteksten under § 2-4:

«... eller

§ 2-4 Tigging utgår frå vedtektene.»

Vedlegg i saken:

05.02.2021	Forskrift for politivedtekter for Alver kommune	1489637
08.01.2021	Normalvedtekter med kommentarer - nynorsk	1495556
08.01.2021	Forskrift politivedtekter Alver kommune	1495563